

---

Saksnr: 2020/57231-108  
Saksbehandlar: Rune Åland

---

Ikkje offentleg: jf. offl. § 26 2. ledd, tildelt utmerking

## Saksgang

Utval	Utv.saksnr.	Møtedato
Hovudutval for kultur, idrett og integrering		25.11.2020

## Utviklingsstipend - Idrettsutøvarar 2020

Forslag til vedtak

Utval for kultur, idrett og integrering tildeler sju utviklingsstipend innan idrett, kvar på kr 40.000, totalt kr 280.000, til følgjande søkjarar:

	Namn	Kommune	Klubb	Idrett	Alder
1	Pål Lillefosse	Bergen	Fana IL	Friidrett - stav	19
2	Hanne Stamnesfet Næss	Bergen	Bergenssvømmerne	Symjing	16
3	Andrine Mårstøl	Stad	Haugen IL	Alpint	21
4	Hanna Børve	Kvam	Kvam langrenn og skiskyttarklubb	Skiskyting	19
5	Cornelius Hilde Eikeland	Bremanger	Førde Volleyball Klubb	Volleyball	18
6	Markus Mol	Bjørnafjorden	Strandvik IL	Strandvolleyball	18
7	Ingrid Kindlihagen	Sveio	Haugaland klatrelag	Klatring	18

Samandrag

Idrettsutøvarar frå Vestland markerer seg årleg med gode nasjonale og internasjonale prestasjonar. Føremålet med utviklingsstipendet er å medverke til at unge og lovande utøvarar får høve til å vidareutvikle seg innan den aktuelle idretten og motivere til vidare satsing i Vestland fylke.

Hovudutval for kultur, idrett og integrering vedtok i PS 79/2020 19. mai 2020 [retningsliner for tildeling av idrettsstipend](#) og at stipenda skulle aukast til kr. 40.000. Auken i forhold til budsjett på kr. 70.000 vert finansiert ved å omdisponere midlar frå post 460.202 (konferansar/kompetanse).

Stipendet har vore formidla ut til aktuelle kandidatar gjennom blant anna fylkeskommunen, idrettskretsen og Olympiatoppen Vest sine kanalar. Det kom inn 99 søknadar, 55 gutar og 44 jenter frå 21 ulike kommunar. 36 idrettar er representert. Olympiatoppen Vest har gitt råd til innstillinga.

Per Morten Ekerhovd  
fylkesdirektør

Britt Karen Spjeld  
seksjonssjef idrett og friluftsliv

*Saksframlegget er godkjent elektronisk og har difor inga handskriven underskrift*

## Saksutgreiing

### Bakgrunn for saka

Idrettsutøvarar frå Vestland markera seg årleg med gode nasjonale og internasjonale prestasjonar i ulike idrettsarrangement. Hordaland fylkeskommune har kvart år sidan 1996 delt ut utviklingsstipend til unge lovande idrettsutøvarar som representerte klubbar i Hordaland. Sogn og fjordane har ikkje hatt ei liknande stipendordning. Vestland fylkeskommune har vedteke å vidareføre dette utviklingsstipendet, og vil for fyste gong dele ut dette stipendet under fylkestinget 15. desember i år.

Hovudutval for kultur, idrett og integrering vedtok i PS 79/2020 19. mai 2020 [retningsliner for tildeling av idrettsstipend](#) og at stipenda skulle aukast til kr. 40.000. Olympiatoppen Vest gir råd til innstillinga. Kriteria som prestasjonar, potensiale, framtidsmål, alder og plan for vidare satsing innan idretten vert vektlagt tungt, samt at ein ser på fordeling av kjønn og geografi. I tillegg er det ønskeleg å vise mangfaldet i søknadane gjennom å gje stipend til sju ulike idrettar. Ein person kan berre få stipendet ein gong, vere i aldersgruppa 16 til 25 år og må representere ein klubb i Vestland. Utøvarar som får toppidrettsstipend frå Olympiatoppen fell utanfor målgruppa.

Stipendordninga er forankra i regional kulturplan for Hordaland, der det under innsatsområde 37 Idrett står følgjande: *Idrettsutøvarar i mange idrettar markerer seg med gode prestasjonar både nasjonalt og internasjonalt og set Hordaland på kartet. Stipend til unge lovande utøvarar og trenarar, og markering av OL og VM medaljørar (senior), er med å stimulere og inspirere til vidareutvikling i sin idrett.*

I regional kulturplan for Sogn og Fjordane blir det under punkt 8.1.1.3 Fysisk aktivitet, idrett og friluftsliv lagt vekt på *enkelt idrettar som krev kostbart utstyr*, og som ein veit er ei ekstra utfordring for å kunne halde fram med idretten sin i denne aldersgruppa som stipendordninga er for.

Stipendet har vore kunngjort på fylkeskommunen si heimeside og på Facebook. I tillegg har idrettskretsen og Olympiatoppen Vest formidla informasjonen om stipendet ut via sine kanalar til blant anna særkretsane og toppidrettsgymnasa. Regionale og lokale aviser har også hatt oppslag om stipendet. Søknadane måtte sendast inn via søknadsskjema på heimesida til fylkeskommunen innan fristen 1. oktober 2020.

Kvart stipend er på kr 40.000,- og det skal delast ut til sju prioriterte utøvarar. Det kom inn 99 søknadar innan fristen, 55 gutar og 44 jenter frå 21 ulike kommunar i Vestland. 36 idrettar er representert.

Vedtak om tildeling av stipend er eit enkeltvedtak etter forvaltningslova § 2 første ledd bokstav b. Det er såleis klagefrist på vedtaket innan 3 veker etter at det er motteke skriftleg underretning.

### Vedtakskompetanse

### Hovudutval for kultur, idrett og integrering

### Vurderingar og verknader

**Økonomi:** Løyvinga er innanfor budsjetttramma for 2020. Løyvinga utgjer til saman kr 280.000 og vert dekkja av budsjettpost 460.112 utviklingsstipend og 460.202 konferansar/kompetanse.

**Klima:** Ikkje relevant.

**Folkehelse:** Regional plan for folkehelse 2014-2025 - fleire gode leveår for alle: Kulturopplevingar har positiv verknad på folkehelsa.

**Regional planstrategi:** Utviklingsstipendet til idrettsutøvarar vil vere eit av verkemidlane for å følgje opp viktige satsingar i dei to gjeldande regionale kulturplanane. Det legg til rette for at unge lovande utøvarar skal kunne representere ein klubb i Vestland fylke, og samstundes kunne prestere på nasjonalt og internasjonalt nivå i idretten sin.

### Konklusjon

Fylkesdirektør tilrår at utviklingsstipenda vert tildelt som lagt fram i denne saka.